

四庫

全書

四庫全書

全書

第五四七册

四庫全書

●上海古籍出版社

本冊目次

山西通志(六)

清
儒
儲大文等編纂……一

欽定四庫全書

史部
山西通志卷一百四十一

欽定四庫全書

山西通志卷一百四十一

孝義

洪範以攸好德爲五福之一蓋好德之人皇則錫之福惟孝惟義順德也哉

國家敦崇實行所以牖世覺民者備至又特著

今典忠孝節義各建專祠或大節彌昭或幽光特發胥

受福無艾矣山西爲唐虞舊俗沐化最深今有履孝

欽定四庫全書

山西通志
卷一百四十一

秉義可以示勸者固天性使然而

聖朝敝五福以錫庶民之德厚澤深仁可想見焉忠孝

義

太原府

漢

馮魴王莽末虞都尉及殺申屠季兄謀滅季族季亡歸

魴魴將季歸逢尉弟長卿欲執季魴叱曰我與季雖

無素故士窮相歸要當以死任之遂與季歸季謝曰

詳校官給事中臣王鍾健

檢討臣德生覆勘

總校官進士臣朱齡

校對官中書臣吳俊

謄錄監生臣蔡圖

蒙恩得全無報牛馬財物悉以獻公鮐作色拒之季
慚不復言光武聞而嘉之徵拜虞令歷官司空賜爵

關內侯

郇越少明經飭行平帝時州郡舉孝廉茂才後以病去
官嘗散資十餘萬施九族州里志節甚高顯名於世
子恁有清節屢徵不起

溫壽序子爲鄒平侯相棄官乞序骸骨歸葬光武嘉其

孝許之

欽定四庫全書

山西通志
卷一百四十一

晉

田蘭并人晉有汲桑者力能扛鼎殘忍少恩六月盛暑
重裘使十數人扇之忽不清涼便斬扇者大姓田蘭
斬於平原士女慶賀奔走道路而歌曰士爲將軍何
可羞六月重裊被狐裘不識寒暑斲人頭雄兒田蘭
爲報讐中夜斬之謝并州

南齊

孫淡太原人居長沙事母孝母疾淡廢眠食以瘵爲期

恐母哀之不使知也豫章王領湘州拜驃騎行參軍
建元三年薨其祖稅表其閭里

北魏

王元遜和人從父應援守潁川城陷遂罹害

隋

韓子誕文水人親沒負土築墳居喪盡禮詔旌其孝及
卒視其脊骨皆毀大業末表其門閭唐貞觀中薨其
賦役

欽定四庫全書

山西通志
卷一百四十一

郭世嵩字弘文一作郭備文水人家雍睦七世同居犬

豕同乳烏雀同巢時人以爲義感事聞文帝遣平昌
公宇文弼詣其家勞問侍書御史柳彧巡省北河旌
其門閭漢王諒爲并州總管聞而嘉之賜其兄弟二
十人衣各一襲

張道源祁人年十四居父喪盡孝縣令郭湛署所居曰

至孝里隋末政亂辭監察御史歸後仕唐歷秋官尚

書進封南陽侯

唐

武弘度文人補相州司兵叅軍永徽中父卒自徐州被髮徒跣趨喪所負土築塋晨夕號日一溢米素芝產廬前狸擾其旁下詔褒美旌其門

王士吳太原府人節度使令狐楚奏狀曰右臣得太原府牒前件人爲母阿張患病割股奉母其母所得疾漸損者臣伏以登於大孝在禮爲難忍其甚痛於人不易王士吳長於市井利在錐刀誓以誠明之心療

欽定四庫全書

山西通志
卷一百四十一

其羸老之疾割肉於股饋養於堂信可以感通神明風變人俗某猥司廉察獲守方隅以此至性恐須旌表

馮秀誠榆次縣人節度使令狐楚奏狀曰右臣得太原府牒前件人爲母久病割股奉母所疾漸損者臣差當縣主簿劉戡檢驗得狀具如前申者臣伏以縱螫及膚口猶難忍援刀刺骨心豈易安前件人出於誠畝之中長在草茅之下天生仁孝日用元和忘甚痛

於已軀期有瘳於親疾人倫共感名教所宗斯實陛下仁奄周王孝逾虞帝陶蒸動物之性啟迪仁人之心況臣守在方隅職司廉察據其至性恐合褒稱王肅珪孫性至孝爲徐州司馬母有疾躬奉湯劑彌年不廢帶數從高醫游遂窮其術因著外臺秘要討繹精切世寶焉歷給事中鄴郡太守治聞於時溫振中書令彥博之子少有雅望官至太子舍人居喪以哀毀卒

欽定四庫全書

山西通志
卷一百四十一

盧遺仁王知道胥太原人事親居喪著孝行旌表門閭賜粟帛州縣存問復賦稅

五代

張即太原人叔父憲爲莊宗魏博推官王師與梁師戰不利憲奔馬北渡梁軍急追殆將不濟至晚渡河人多陷水而沒憲與即履水而行將及岸水陷即號泣以馬垂引之憲曰吾兒去矣勿使俱陷即曰恐觀季父如此俱死無恨即偃沐引垂憲躍身而出是夜莊

宗令於軍中求憲或曰與王緘俱沒矣莊宗垂淚求尸數日聞其免也遣使慰勞

宋

劉孝忠并州太原人母病經三年割股肉斷左乳以食母母病心痛劇燃火掌中代母受痛母尋愈後數歲母卒傭爲富家奴得錢以葬富家知其孝養爲已子後養父失明舐之經七日復能視劉鈞聞而召見給衣服錢帛銀鞍勒馬署宣陵副使開寶二年太祖親

欽定四庫全書

山西通志
卷一百四十一

六

征太原召見慰諭

金

王忠立奇嵐人妻亡不再娶結廬蘆芽山隱居終老

元

溫義祁人五世同居長幼無私財家庭無間言至元丙

子旌其門曰義門

姚相文水人捐立學田見邑志

明

程宗齊陽曲人性孝友親疾求以身代及卒悲悼廢食

愛弟宗望誓不析居嘗置義塚及園畦三百以贍族

人子書亦有孝行

白祥文水人父責令長山以事連坐當刑祥願代之臨

刑神色不變成祖嘉其孝父子俱免大宥天下時銜

祥恩者繪像祀之

段廷用陽曲人奉孀母極孝母故日夜悲號既葬於墓

側起茅屋枕苫飯蔬散衣垢面歲饑盜不忍驚害種

欽定四庫全書

山西通志
卷一百四十一

六

瓜麥雙歧並蒂人以爲孝感云

周紳陽曲人事孀母姜圖刀圭以奉甘旨侍疾送終胥

如禮結廬墓側盜賊相戒勿驚

程書陽曲人父宗齊母張氏書朝夕奉養父中濕衣不

解帶延八月竟不起哀毀骨立事母彌孝敬鄉評重

之舉於官綽楔表門

朱慎鍛晉靖安王長子幼好詩書敦孝道奉兩尊承顏

順志性若天成母妃盧疾危呼天割股以進後又因

盧病晨夜侍疾求以身代及母愈困過勞成疾而卒

馬謨太原人父早逝事母器用飲食精潔或自班舞令

諸婢觶角歌呼以悅親心日取廁輪躬自浣滌母登

大臺喜不勝懼祝天以已算益之及施濟無告哺育

棄兒以祈母壽母卒飲食膏廢葬畢以哀思止

王英太原左衛人少孤育於祖母病刲股以進尋愈登

成化鄉試授滕縣令有惠政陞登州府通判

陳舉太原左衛人事嫠母至九旬孝思愈篤母卒廬墓

欽定四庫全書

山西通志
卷一百四十一

三載舉時年已七十矣

趙定太原前衛人兄宥遭難嚮所居以助之一夕竊者

入其室善言勸諭慮爲邏者所獲天明始遁去子某

登賢書

段廷宴太原貢士任撫寧縣令事親竭力居喪三年人

莫覩其面

趙威晉太原人父本爲諸生游學威晉生未期歲及長

以不識父面爲恨言輒流涕遍詢僧道或告以在終

南山卽日推小車覓之果得扶歸

趙洪遠太原人父珺母張自受飢寒竭力奉養巡按趙

飭所在給穀以示獎

劉玘臣太原人父病嚙食百計求愈不得或以刲股可

療從之病果愈

程巖陽曲人孝事嫠母五十年如一日母亡所遺服飾

分散兄弟喪祭之費已獨任之

陳天壽陽曲人事嫠母至孝宗黨某某貧病且死醫藥

欽定四庫全書

山西通志
卷一百四十一

殯歛皆出其力又張珠夫婦遭疫人率畏避二子方

脫襁褓攜之以歸卒賴全活

趙復性榆次庠生以孝聞父卒號泣不食數隕絕及葬

廬墓草衣糲食終喪不忍離族人毀其廬載歸後旌

表

劉陽插部內侵時未週歲母棄之祖母王道聞啼聲拔

陽以歸王氏寡居四十餘年陽朝夕不離及殄圖形

事之

韓朝花太谷人家貧業推小車出外必計往還日備飲食費以供父母出告反面跪拜問安始終不二聞妻少觸忤卽痛箠之

程文宿太谷人朴實不知書母疾祝天以已算益之母卒哀毀骨立廬墓三年又李元顯貢生事母至孝母卒始淡三年

賈謨太谷人家貧業染母年七十逐日力養得美食卽以奉母母悅乃安

欽定四庫全書

山西通志
卷一百四十一

十

孫昂交城人父歿廬墓羣鴉悲集朝去暮來嘗之蒲州渡黃河有老人同渡拽舟使獨後俄見前船覆溺昂乃得免

張浚明交城諸生事繼母撫摩從以孝友著

徐永詒交城人任韶州檢校年二十九妻張氏亡義不再娶壽至八十有一

劉盈清源人童年知孝居喪哀毀踰禮母蘇病危剗臂肉以進病尋愈

劉漸清源庠生少孤竭力事母母疾亟哀禱得仙方服之卽愈

劉秉寬清源人母畢氏病剗股以進病卽愈一夕如聞母呼驚覺出門屋梁隨折枕爲之碎弟秉暢誤傷人至死訟於官寬憫其無子代受刑其人二日復甦遂得釋又王遠閭海俱以廬墓稱孝

董玉常清源人置義田百畝於堯城鎮建買社學以育才惠不責償人多高之又時輝牛昭蘇雲端荒年輸粟全活甚多

欽定四庫全書

山西通志
卷一百四十一

十

孟養氣文水人事繼母撫諸弟以孝友著

張鳳翔文水舉人孝事嚴父父沒號泣蔬食三年又李玫王府典膳事嫠母惟謹母卒廬墓益不忍驚又胡誥邑庠孝親廬墓所人皆稱爲孝子密

郭拖字子福文水人性孝父廷詩好施與拖能繼之親疾禱神求代歿則號泣廬墓年老無子夢神語曰爾孝德格天當錫爾子果舉嗣應鰥應泰孫鉉俱以文

行名

高智文水縣志作高階又李伯現又王驚字鳴臯德量寬厚強暴感化咸稱長者

鄭位爲文水諸生事繼母以孝聞友諸弟歲試赴汾州拾遺金悲歸失者性不喜飲鄉有忿爭率置酒解之家頗貧周給無倦色以子之僑貴三膺封又諸生王在庭拾還遺金又嚴應祥兄弟同饗五十載子國魁孫調鼎胥魁於鄉

欽定四庫全書

山西通志
卷一百四十一

十三

王景能祁人事孀母以孝聞孫天爵領鄉薦又渠永昌孝友累賓鄉飲壽至九十九歲又閻紹芳祖喪承重如素三年又胡濂赴兄急難慷慨殺身

李瓚太谷人孝母宜家百口同爨曾獲盜乃素相識遂遺布疋遣之

李春茂嵐縣志作楊春茂孝事父母母歿事父尤謹直指果給粟以旌之

邱憲章嵐縣人力農好施與敦孝弟父疾步禱恒獄不

解衣者旬月母疾籲天求代疾尋愈母卒哀毀不離柩旁不尚佛事子瑀事父母及繼母曲承意旨以歲薦判簿岐山有政聲孫如翼亦有孝行又劉光旭貢生李大盛俱以刲股愈親疾

溫和嵐縣歲貢判河間主簿祖希範早卒善事祖母張氏稱順孫父錦卒事孀母梁生母田以孝稱

郭安興縣人有孝行任陝西衛經歷前後廬墓六年有白鶴旋繞之異又有諸生白孝古廬墓六年均奏得

欽定四庫全書

山西通志
卷一百四十一

十三

旌表又有監生康玉潔諸生王朝冕及兄朝冠親死亦以廬墓稱孝

胡玉琴興縣人父博娶閻氏生尚黥次娶甄氏生玉琴甄病兄弟並事之維謹及歿並廬墓側父歿琴復廬墓哭思成疾卒妻劉氏年少撫孤稱節孝

邱鳳軒虜犯石州率衆禦之事聞拔之太學任山東蒙陰縣令有治才

韓子名興縣人祖母母俱孀居竭力奉養祖母卒哀毀

骨立母卒廬墓三年

馮時亨興縣人父境爲諸生早卒母康氏遭危疾思得鹿肉禱於城隍神剗股肉代之疾尋愈又有白顰亦祀孝義祠

孫光勳興縣人歲旱輸賑奏得旌表子守訓年五十無子賈太原買得一妾知爲都司張某女張虧官帑八百兩以女售人訓惻然傾囊償之不告姓名而去後舉三子又有王琳拾還遺金官至太倉州牧

欽定四庫全書

山西通志
卷一百四十一

十五

孫興太原人尚義好施邑舉鄉飲辭不赴

朱景祥奇嵐人正統間蠲粟一千五百石賑荒勅建坊表又粟仲仁天順成化間蠲粟拯飢表給冠帶

董志山行客遺金追還之堅不受謝又高幹公直好義

卒年八十九又王璞昶五世孫周急賑荒養姑撫妹人以爲難昶與郝希敏正統年均以捐賑奉勅建坊

杜弘付太谷人正統間捐賑一千五百石旌表

于敏榆次人正統中輸財助官賑濟旌義民

白好古興縣人弘治中以孝被旌

王朝冕興縣人母疾禱神代死及卒隨柩廬墓三年朝夕哭奠有司賜米帛扁旌

閻表陳立王文胥交城人正德時捐賑各二千石旌表金中夫一作天夫榆次人弱冠時父鼎罹危疾剗股和湯以進疾遂瘳登正德鄉試任戶部司務歷工部郎中大工屢與財不告匱詔褒其能尋守肇昌多惠政逾年歸家無餘蓄

欽定四庫全書

山西通志
卷一百四十一

十五

高自脩孫光勳胥陽曲人隆慶中輸財助官賑濟旌義民

常福交城庠生父克言歿廬墓日夜悲泣者三年萬厯間旌表又有呂誠母死廬墓稱孝

韓友范奇嵐人萬厯戊午舉人崇禎間任陝西慶陽知府時歲荒斗米銀三兩友范設法賑饑全活者甚衆

馬瑞陽曲人富而好施間有婚喪輒爲周助揮部內侵捐金給守城夫役嘗助修書院及城隍廟費千緡孫

諫登進士又李讓世積德好施予子希賜以明經充
恩選兩任巨邑王光欽萬厯間捐修橋梁表給冠帶
張運通字徹侯榆次縣人七歲父御史養以劾權璫下
獄運通入犴狴侍左右尋復具疏闕下請以身代士
大夫胥驚異之御史在獄七年甲申賊出之於獄將
甘心焉運通號泣斬免血淚迸流賊稱其孝釋御史
後又以追餉解鎮安運通從之拾橡粟以自給行達
商州猝遇虎虎遂巡去父歿喪葬無違禮事母尤篤

欽定四庫全書

山西通志

卷一百四十一

十五

邑令劉星嘗著孝子傳

裴潤陽曲諸生居喪哀毀廬墓三年以子希度官贈奉
政大夫通政司右叅議祀鄉賢

馮瓊字德華陽曲貢士授定興訓導陞延津王府教授
不就以孝友稱博學介行舉鄉飲妻卒不再娶卒年
七十有九又陳邦鎮府學生妻亡不再娶表給冠帶
江明陽曲北城鄉約閭閻太原率夫禦城城陷不去被
殺時有生員樊維藩督守陴者賊至亦被殺

楊方生字爾楨陽曲人體貌偉岸性慷慨尚節義閭寇
之變二弟爲賊所執時方生居鄉閭之急奔入城詰
賊曰我楊氏冢子某有事當任於二弟無與賊因釋
其弟囚之凡兩月幾死後得脫弟充鎗手當行戍方
生求代不得乃隨弟行左右之及歸而兄弟食貧雍
睦無間言

張治經齊榷俱監生張治度趙芳任三讓桑蔣祈州俊
李聯捷王國昌李塾侯之翰齊人道寇獻瑜寇獻珠

欽定四庫全書

山西通志

卷一百四十一

十五

寇永澆褚延文李瑋李幹智大用褚延寬李登龍寇
省身發身王瑄王建元孫承志董萬有李自登程雲
步張辦齊文輝王度弘翟漢傑張鳳翔張運隆郝龍
正俱生員侯祥副榜郝應麟王輔國俱武舉閭賊陷
榆次城守城死義

武象乾太谷諸生閭賊至伏卧室中二賊入并手及之
後父子四人爲衆賊所執俱死之又諸生員觀光及
杜光輝趙謨李元芳同妻員氏俱不屈死

國朝

潘一桂陽曲人鬻飯事親父性好飲醉必夜歸桂執燭俟門扶之終身不倦父歿廬墓人稱潘孝子

甄于廷興縣人兄懷廷與邑豪趙姓隙順治元年趙率黨數百人猝至鄉人閉堡門以守趙督衆攻曰第縛甄懷廷孫奕燭來當即解圍去奕燭亦隙於趙也懷廷奮曰奈何以一人而害數百家請就縛奕燭亦無難色鄉人縛奕燭下趙攢刃刺之懷廷將下于廷力挽曰兄爲吾父宗子且無嗣不可以死弟當代兄下懷廷不肯曰死自吾分兩人相爭久之鄉人胥感泣不得已縛于廷下趙熟視曰非也于廷慟哭言狀趙亦感動投刃率其衆徑去

馬電宇躍如太原縣人補博士弟子性仁厚好周人急施粟施藥施棺終其身里人劉養病棘以所積四十金托電電辭不獲不得已受之後五年養妻斷他適訟於官電曰是固有之第劉養遺言誤其子婚娶乃

欽定四庫全書

山西通志
卷一百四十一

十九

給還今子未十歲若何涇縣事黃曰第與之電卽手四十金還養妻又出四十金曰此五年子錢也黃躍然起曰義士義士蓋電所爲類若此歲癸未

聖祖仁皇帝西巡幸其家電率四世子孫跪迎 賜坐問年幾何對曰九十

聖祖大喜解御服衣冠 賜之又御書秀眉二字命巡撫製扁懸其家後諸孫成武舉四人

張雲鳳字建閣徐溝人八歲失母淚盡繼之以血父爲

欽定四庫全書

山西通志
卷一百四十一

十九

勸慰始飲食事父及繼母色養無違父病湯藥浣滌必躬親同臥起二十餘年比卒苦塊餽粥如禮素冠披髮終三載嚴易妻孥事母惟謹

蘇曰祥徐溝人生未十歲母呂氏歿哭甚哀日夜聲不絕父娶繼母事之如母父病衣不解帶二百日後父及繼母歿墓胥手築旣葬廬父母繼母墓胥三年邑人將聞諸官曰祥曰是俾我芒刺在背也力辭之順治十年縣令高給孺慕高風扁

李灝慈尚義好施嘗建洞渴河橋利行人城東五里許南北孔路也捐地十四畝構屋數椽冬夏施茶粥人比諸義漿云

孫天繡字雲章興縣人崇仁令世蓋子少豪邁讀書輒成誦嘗言道在人倫功在日用識者以爲確論子正塗爲趙某所殺獄成論抵三年猶未決天繡乘間入獄刺殺之自繫請罪著復仇或問以明志歲早出蓄米減價糶之不足請於官祈兵米平糶而以其價予

欽定四庫全書

山西通志
卷一百四十一

王

兵市估以平

張繼仲清源人生未決旬父商於外年十六誓往尋之道出關東遇猛虎以意默禱虎逡巡去明年果得父歸鄉稱孝子

楊漸達交城人好義俠埋塲掩骼者累載年八十預知死期沐浴端逝

任道遠交城縣農家子天性純孝定省胥舍節父母安之母歿父娶後妻獨能委曲承順若不知爲異母其

母亦雅愛道遠逾於己子縣令米聞之請旌以示勸焉

鄭浩文水人親老家貧力養二十年如一日傭工於外二親繼歿哀號奔喪廬墓哭奠

劉光旭嵐縣人歲貢生早喪父母卽氏守志撫之乃克成立母嬰病光旭心如刺百計醫之罔效乃持刀自割其股以爲母食之萬一霍然愈不然亦以代母痛也而母卒獲無恙

欽定四庫全書

山西通志
卷一百四十一

王

李大盛嵐縣人家甚貧糠覈自餐而事父母膳必備父嬰病氣息支綴如屬太盛聞割股事多功亟到臂肉和羹以匙進甫入口父目脣開食既頗甘之不數日病寢愈而大盛雅不語人也

平陽府

周

靈輒晉人趙宣子遊首山舍於翳桑見輒餓食之輒舍其半問之曰官遊四方不知母之存亡請以遺母因

與簞食肩肉已而爲晉宰夫宣子弗知也靈公伏兵攻宣子輒倒戈戟以禦公徒問其故曰翳桑餓人也問其名不告而退遂自亡

鉅麋晉力士晉靈公使賊趙盾晨往寢門闕矣盛服將朝尚早坐而假寐麋退而歎曰不忘恭敬民之主也賊民之主不忠棄君之命不信有一於此不如死也觸槐而死

提彌明趙盾之右靈公飲盾酒伏甲將攻之明知之趨

欽定四庫全書

山西通志
卷一百四十一

五

登曰臣侍君宴過三爵非禮也遂扶以下公噉羹明搏而殺之闕且出明死之盾復出奔

李榮趙將李牧子也父亡廬於墓側號痛之聲悽及風木所近居民皆化之今以孝子名村

北魏

廉景孫平陽人少厲志節以明經舉郡孝廉爲刺史房

謨所重謨先與子結婚盧氏及卒盧氏將改適他姓景孫代訟之臺府不爲理乃持繩詣神廟前北面大

呼曰房謨清吏忠事高祖及其死也妻子見陵神而有知當助申之今引決訴於地下便以繩自經於樹衛士見之救解送所司朝廷哀其至誠命女號房族

唐

盧操河東人幼勤學通孝經論語事繼母張氏以孝稱張生三子溺愛命操主炊操服勤不倦張遣子讀書命操隨驢執鞭三弟縱酒忤人致踵詬母操泣拜慰解之惡少云不忍以三賊而誡長者相與拜操而去

欽定四庫全書

山西通志
卷一百四十一

五

繼母亡操持喪哀毀訓弟有恩後擢明經授臨勇尉官舍設父母几筵出告反而晨興冠帶讀孝經一遍然後視事讀至喪親章號咽不勝孝行卓然二子雲文俱恭謹有父風

張金城呂神通呂雲呂志提呂元光趙舉張祐姚熾張師德馮巨源杜山藏俱河東人史載事親居喪克著

孝行

李忠孝韓放河東人陳涉河東將史載剗股療親疾給

帛旌門

王助通孫舉進士七歲喪母哀號鄰里為泣居父憂哀毀骨立服除為監察御史裏行

宋

李居仁父早喪事母孝日授生徒以供飲膳母歿築土為墳高四丈餘時名其巷曰孝母名其族曰墳臺李氏至今因之

金

欽定四庫全書

山西通志
卷一百四十一

五

王佐金李進士元時從父居上都教授里巷不與時俯仰會賊至倉卒不能避為賊所獲佐傲岸自如罵賊不輟見害

許瑋讀書樂善登大定進士會兵亂負母避山東既而歸鄉服父喪始終如禮鄉黨取法焉子良力田積善不求聞達孝行炳著廬親墓三年不怠里閭稱為孝

子

元

房輯鄉貢士祖祺父布文俱擅學行名輯有孝行至正

間盜陷平陽繼母為賊所執將殺之輯以身護遂遇

害

吳著至元初平陽路長官歷陞延安路轉運使母喪廬於墓側負土崇封瘠甚不怠以孝廉著稱於時

孫抑舉進士仕至刑部郎中有孝行關保之變挈家避兵平陽之北村遇賊欲刃其母抑以身翼請代得免父為所擄抑奮身往尋之屢瀕危殆竟奉父歸里稱

欽定四庫全書

山西通志
卷一百四十一

五

篤孝

張天瑞浮山人殷富甲於鄉里世祖西征道經平水天瑞以才畧備參謀會軍乏食輸粟萬石助之一軍悉贍封為萬戶侯錫以五疊蟒玉墓文具載其事

李忠與弟恕皆幼孤天性至孝事孀母宋氏克供子職大德七年地大震鄆堡山移所過居民廬舍皆摧壓傾圮將近忠家分為兩行五十餘步復合忠家獨完人皆以為孝感元李崇德為作孝感碑